

03 APR 1997

KAKAK DR MAHATHIR ANTARA ANGGOTA PANEL FORUM PENGKISAHAN DR MAHATHIR

LANGKAWI, 3 April (Bernama) -- Kakak dan anak saudara Perdana Menteri Datuk Seri Dr Mahathir Mohamad diundang untuk menceritakan "rahsia" zaman remaja beliau pada "Majlis Pengkisahan Dr Mahathir Semasa Remaja" anjuran Galeria Perdana di sini Sabtu ini.

Hajah Habsah dan Yasmin Mashahor akan bersama-sama rakan sekelas dan sepermainan Perdana Menteri, Haji Hussein Abdul Rahman dan Haji Osman Bakar menceritakan kisah hidup Dr Mahathir ketika beliau berada di alam remaja, kata Pegawai Perhubungan Awam Lembaga Pembangunan Langkawi (LADA) Mohd Hatta Said di sini hari.

Majlis yang akan dipengerusikan bekas Ketua Pengarah Arkib Negara Datuk Zakiah Hanum Abdul Hamid itu akan diadakan di auditorium LADA bermula pada pukul 9 pagi. Ia akan dirasmikan oleh Pengurus Besar LADA Datuk Abdul Halil Mutalib.

Majlis itu bertujuan memberi pendedahan kepada pelajar sekolah dan remaja mengenai liku-liku hidup Dr Mahathir dari zaman kanak-kanak dan remaja sehingga menjadi Perdana Menteri yang disegani.

Sesi pengkisahan itu akan didokumenkan dalam bentuk audio dan video yang akan disimpan bagi tujuan penyelidikan, kata Mohd Hatta.

-- BERNAMA

NH HJ